



UNIVERSITY of the  
WESTERN CAPE

## JAN RABIE & MARJORIE WALLACE SKRYWERSBEURS

Die Universiteit van Wes-Kaapland kondig met graagte aan dat aansoeke ingewag word vir die Jan Rabie & Marjorie Wallace Beurs. Hierdie beurs word befonds deur 'n ruim bemaking van wyle Marjorie Wallace met die hoofdoel om 'n belowende of 'n gevestigde skrywer in staat te stel om vir 'n jaar lank te fokus op 'n projek in skeppende skryfwerk in Afrikaans. Die beurs beloop R380 000 en sal toegeken word vir 2016. Die skryfprojek moet op publikasie gerig wees. Daar sal met die beurshouer onderhandel word om in die loop van die jaar op 'n paslike wyse deel te neem aan konferensies, seminare, en/of die openbarelesingsreeks van die Universiteit.

Die beurs sal toegeken word in die gees van Jan Rabie en Marjorie Wallace se werk en strewende ten opsigte van Afrikaans as taal van 'n breë gemeenskap.

Die motiverende dekbrief moet onder andere die aansoeker se rekord as skrywer kortliks uiteensit. Elke aansoek moet vergesel word van 'n volledige CV, 'n eksemplaar van onlangse werk, 'n deeglike projekvoorstel met 'n werksplan en beoogde teikendatums asook enige ander toepaslike inligting. Aansoekers moet ook 'n aanduiding gee van reëlings wat getref sal word om vir die periode van die beurs voldoende tyd aan die beoogde manuskrip te gee.

Verdere besonderhede en 'n meer gedetailleerde inligtingstuk kan aangevra word by me Dawn Siebritz, rabiewallacebeurs@gmail.com of 021 959 2112.

Aansoeke moet die Universiteit bereik teen Maandag, 23 November 2015 en kan gestuur word na:

Prof S van Wyk, Departement Afrikaans en Nederlands, Jan Rabie & Marjorie Wallace Beursfonds, Universiteit van Wes-Kaapland, Privaatsak X 17, Bellville, 7535.

Elektroniese aansoeke kan gestuur word na rabiewallacebeurs@gmail.com; en aansoeke wat per hand afgelewer word, moet by kamer D28 op die grondvloer van die Nuwe Lettere Gebou ingehandig word.

*Die Universiteit behou die reg voor om nie 'n toekening te maak nie.*

**'n Plek van gehalte,  
'n plek vir groei, van  
hoop tot aksie deur kennis**